

Morning Dogri (NSD) Bulletin 25-03-2024

आकाशवाणी

1 E.P.F.O संगठन नै जनवरी च कुल रलाइयै 16 लक्ख 2 जहार उपभोक्ता जोड़े न।

2 भारती मौसम मैहकमे नै उत्तर पूर्वी भारत, पच्छमी बंगाल दे उप हिमालयाई इलाकें च 29 मार्च तोड़ी बरखा ते गर्ज चमक कन्नै तूफान दी पेशगोई कीती ऐ।

3 बीजेपी नै 111 लोकसभा सीटें लेई मेदवारें दी 5मीं सूची जारी कीती ऐ।

4 रंगें दा त्यौहार होली अज्ज मनाया जा करदा ऐ। राष्ट्रपति, उपराष्ट्रपति ते प्रधानमंत्री होरें लोकें गी होली दियां ममारखां दितियां न।

5 Sreeja Akula नै 2024 आहले WTT Feeder Berut-II Table Tennis मकाबले च महिला एकल वर्ग दा खताब जिती लैता।

<><><><><><>

EPFO

कर्मचारी प्रोवीण्ट फं संस्था नै इस बारै जनवरी म्हीने च 16 लक्ख 2 जहार कुल उपभोक्ताएं गी शामिल कीता ऐ। ई.पी.एफ.ओ दे कल्ल जारी कीते गेदे आंकणें मुजब जनवरी 2024 च 8 लक्ख 8 जहार नमीं मिम्बर जोड़े गए न। इक ब्यानै च केंद्री श्रम मंत्रालय नै आखेआ जे इनें आंकड़ें दी खास गल्ल एह ऐ जे नमें मिम्बरें च 18 थमां 25 बरें दी बरेसू दे युवा मते न जेहड़ा कुल मिम्बरें दा

56 फीसद बनदा ऐ। आंकड़ें राएं एह बी पता लगदा ऐ जे 8 लक्ख 8 ज्हार नमें मिम्बरें च 2 लक्ख 5 ज्हार महिलां मिम्बर न।

<><><><><><>

IMD

भारती मौसम विज्ञान विभाग नै उत्तर पूर्वी भारत, सिक्कम ते पच्छमी बंगाल दे उप हिमालय आहले इलाकें च मौहलेदार बरखा ते तूफान दी पेशगोई कीती ऐ। अरुणचल प्रदेश च टामी-टामी थाहरें दरम्यानी थमां भारी बरखा ते जम्मू-कश्मीर, लद्दाख, गिलगित बाल्तीस्तान ते मुजफ्फराबाद च मतियें थाहरें बरखा जां बर्फबारी होने दी पेशगोई कीती ऐ ते उत्तराखण्ड, हिमाचल प्रदेश ते पच्छमी बंगाल ते सिक्कम च टामी-टामी थाहरें परकल्लै सोयां लेइये 29 मार्च तोड़ी गर्जीये फंां पौने दी पच्छमी हिमालय आहले इलाकें च पेशगोई कीती गई।

<><><><><><>

BJP-List

भाजपा नै लोकसभा चुनाएं लेई अपने मेदवारें दी 5मीं सूची जारी कीती ऐ। 111 लोकसभा सीटें लेई मेदवारें चचा कंगना रनौत हिमाचल प्रदेश दी मंपी लोकसभा सीट, केंद्री मंत्री धरमेंद्र प्रधान संबलपुर ते बीजेपी प्रवक्ता संबित पात्रा पुरी लोकसभा सीट थमां चुनांs लडन। केंद्री मंत्री नित्यानंद राय उजेरपुर, केंद्री मंत्री गिरीराज बेगुसराय ते भाजपा दे वरिष्ठ नेता रविशंकर प्रसाद होर पटना सीट थमां चुनांs लडन। साबका मंत्री मेनका गांधी सुल्तानपुर सोयां चुनांs लडन ते

कांग्रेस नेता नवीन जिंदल जेहड़े कल गै बीजेपी च शामिल होए हे कुरूक्षेत्र थमां चुनांs लड़डन।

<><><><><><>

BJP-West Bengal

भारती जनता पार्टी नै पच्छमी बंगाल च 19 लोकसभा सीटें लेई दुई सूची जारी कीती ऐ। एहदे थमां पैहले 20 मेदवारें दी सूची छापी ही ते बाद च इक मेदवार नै असनसोल सीट सोयां अपना नांs बापस लेई लैता हा। अजें तगर दर 38एं मेदवारें दे नाएं दी घोषणा करी दिती गई ऐ। भाजपा दे वरिष्ठ नेता ते राज्य अध्यक्ष दलीप घोष, भरदमान दुर्गापुर सीट सोयां चुनांs लड़डन। रेखा पात्रा होर बसीरहत लोकसभा सीट सोयां चुनांs लड़डन। कोलकाता उच्च न्यायालय दे साबका जज अभिजीत गंगोपध्याय होर तमलुक सीट सोआं चुनांs लड़डन। उनें हाल च अपने ओहदे थमां इस्तीफा दिता हा ते अपने कार्यकाल च उनें पच्छमी बंगाल च शिड़कें दी भर्ती सरबंधी घोटाले पर फैसला दिता हा।

<><><><><><>

Congress-List

कांग्रेस नै लोकसभा चुनाएं लेई मेदवारें दी 5मीं सूची जारी कीती ऐ। कांग्रेस नेता प्रताप सिंह होर राजस्थान दी जयपुर लोकसभा सीट सोयां चुनांs लड़डन। मुरारी लाल मीना होर दौसा सीट सोयां चुनांs लड़डन। सुरेश धनोकर होर महाराष्ट्र दी

चंद्रपुर लोकसभा चुनावs हल्के सोयां चुनाव लड़न। कांग्रेस ने शनिवार 46एं मेदवारें दी चौथी सूची जारी कीती ही।

<><><><><><>

Holi-Festival

होली दा त्यौहार अज्ज पूरे मुख्यै च मनाया जा'करदा ऐ। एह त्यौहार बुराई उप्पर अच्छाई दा प्रतीक ऐ ते बसंत रूत दे औने पर मनाया जंदा ऐ। इस ध्याड़े लोक इक दुए पर गुलाल लांदे न। इक दुए गी बधाइयां दिंदे न, मठाइयां बांंदे न ते बड़ों दा अशीर्वाद लेंदे न। राष्ट्रपति द्रौपदी मुर्मू, उपराष्ट्रपति जगदीप धनखड़ ते प्रधानमंत्री नरेंद्र मोदी होरें लोकें गी होली दियां मुमारखां दितियां न। राष्ट्रपति होरें आखेआ ऐ जे होली खुशी दा त्यौहार ऐ जेड़ा लोकें दी जिंदगी च आसां-मेदां ते जोश भरदा ऐ। उपराष्ट्रपति जगदीप धनखड़ होरें आखेआ ऐ जे एह लोकें दे रिश्तें गी होर निग्गर करदा ऐ ते बसंत रूत दा सोआगत करदा ऐ। अपने स्नेह च प्रधानमंत्री होरें आखेआ जे होली दा त्यौहार लोकें दे जीवन च नमीं उर्जा ते जोश दा संचार करदा ऐ।

<><><><><><>

Somalian

मुम्बई दी इक अदालतै भारतीय नौसेना आस्सेआ फगड़े गेदे सोमालिया दे 35 समुंद्री पाकुएं गी 10एं दिनें दी पुलस रिमां उप्पर भेजी दिता ऐ। इनें समुंद्री पाकुएं गी भारती नौसेना दे जंगी जहाज आई.एन.एस कोलकाता नै 15 मार्च गी

शुरू कीते गेदे ते 40 घंटे तोड़ी चले दे अभियान मगरा हिरासत च लेई लैता हा।
नौसेना नै समुंद्री ाकुएं दे बेड़े थमां 17 जनें गी बी सुरक्षित बचाया हा।

<><><><><><>

Russia

रूस नै शुक्रवारें मास्को दे कंसर्ट च होए दे हमले च मारे गेदे 137एं लोकें लेई
इक दिनें दा शोक मनाया। राष्ट्रपति ब्लादिमीर पुतिन हौरें कल इक दिनें दे
राष्ट्रीय शोक दी घोषणा कीती ते हमले दे कसूरवार लोकें गी फगड़ने ते सजा
दोआने दी संगंध लैती। मास्को दी बसमनी जिला अदालतें कंसर्ट हमले च
मुश्तबा आतंकवादी गी दां म्हीनें आस्तें पुलस रिमां च भेजी दिता ऐ। रूस दे
ऐहलकारें आखेआ ऐ जे कंसर्ट हाल सवां फरार होए दे चार बंदूखधारिएं सनें 11
जनें गी हिरासतें च लैता गेआ ऐ, जेहड़े हमलें मगरा मास्को थमां 340
किलोमीटर दूर नस्सी गेदे हे।

<><><><><><>

France

मास्को च होए दे आतंकवादी हमले मगरा फ्रांस नै अपने मुखै च आतंकवाद
सरबंधी सर्वोच्च चेतावनी जारी करी दिती ऐ। फ्रांस दे प्रधानमंत्री गैब्रियल अटल
हौरें एह गल्ल राष्ट्रपति इमैनुअल मैक्रोन ते फ्रांस दे सीनियर रक्षा ते सुरक्षा
ऐहलकारें कन्नै मीटिंग मगरा आक्खी। उनें आखेआ जे एह फैसला पैरिस च

ओलंपिक खेड्डें ते मास्को च होए दे हमले दी जिम्मेदारी इस्लामिक स्टेट आतंकवादी ग्रुप आस्सेआ लैते जाने गी दिक्खदे होई लैता गेआ ऐ।

<><><><><><>

Table Tennis

टैबल टेनिस च भारत दी सरिजा अकूला नै लेबनान दी अल काथार सेकेंद्री स्कूल च खेड्डी जा रदी W.T.T फीचर बेरत 2-2024 टैबल टेनिस प्रतियोगिता च महिला सिंगल्स दा खिताब जिती लैता ऐ। सरिजा अकूला नै ल्युकसमबर्ग दी Sarah De Nutte गी 3-1 कन्नै हराइयै अपने करियर दा दुआ W.T.T सिंगल्स खिताब जितेआ। महिला डबल्स दे फाइनल च सरिजा अकूला ते दिया चिटालै दी जोड़ी हांगकांग दे Doo Hoi ते Ahu Chengzhu दी जोड़ी सवां हारी गई। मर्दे दे डबल्स मुकाबले च मनुषा शाह ते मानव दी जोड़ी नै ठक्कर दी जोड़ी नै खिताब अपने नां कीता जदकि Mixed Doubles च भारत दे पायमंटी बायसया ते आकाशपाल दी जोड़ी नै फाइनल च हमबतन साथियन गणेशन ते मनिका भत्रा दी जोड़ी गी हराइये खिताब जितेआ।

<><><><><><>

IPL

आई.पी.एल क्रिकेट च जयपुर दे सवाई मानसिंह इंडोर स्टेडियम च खेड्ढे गेदे मैचें च राजस्थान रायल्स नै लखनऊ सुपर जायंट्स गी 20 रनें कन्नै हराई

दित्तल। 194 रनें दल पलच्छल करदे हलई लखनऊ दी तीम मलत्थे गेदे 20एं ओवरें च
6 वलकटें दे नुकसलन पर 173 रन गै बनलई सकी।

<><><><><><>

Read: Jatinder Singh

Stand by: Natyapaul Singh

D.E.O. : Varinder Kumar

Skilled : Rajat Paul

Editor : Mohd. Mustkeem Baig